

反書行

種痘新書卷之六

三山汀郡寧邑張瑛遜氏編輯

受業曾德波仝奉

起脹辨症賦

五六日間痘出齊矣。點至足心。勢方安定。猶有陸續不出之狀。或隱隱于皮膚之間。而不見其起發者。古名不快。若非風寒壅遏之因。必有氣虛不振之過。是故五六日間痘已出齊。身表宜涼。八九日後痘欲醖膿。身表宜溫。涼則痘之毒氣盡出皮膚。而內不留鬱熱。溫則人之血氣自爾流通在外。易于運化。至此而身不微熱。雖未至于水伏。而痘瘡斷乎弗長。六七日來痘顆已

成瘡。宜肥大而粗。頭要發光而白。方有行漿之勢。若還赤色過頭。雖見嬌紅。有可愛。延綿八日。依然到頭。空壳虛花。其內並無漿影。若皮薄而光亮如燈。內含是水。雖頭尖而根脚不紅。行漿弗實。如熱毒盛而未解。則爲紫。爲黑。雖而不起。則爲陷。爲塌。滯而不榮。則爲乾。爲枯。爲青。爲灰。怯而不振。則爲不快。爲停漿。或有內先腫脹。可痘反不起者。漿則滯而不行。面色虛浮。而痘反退伏者。毒則遏而不出。身不熱。而痘不起。恐成冰伏之形。此際宜行溫藥。氣血弱而不興。恐成陷伏之弊。治此斷用補劑。他如紫色。乾枯。切忌溫中滯補。只宜活血。鬆肌。若或皮薄漿清。則宜健脾助氣。切勿解。泄。清涼。爲壅。爲滯。烈藥雖然可發透肌。尤是

良方。癰泄雖宜溫補。爲甚。當佐升提。界地不分。安能起水焦紫。
不退必致內攻。項有亂紋。宜解毒。猪鬃眼現。是危機。此際猶堪。
解毒急施。拯救之功。遲之二日。則難措手。遮何及乎。

起脹三日調治法

痘出皮膚要漸漸起脹。蓋痘起一分。則毒出一分。必痘脹滿而。
毒乃盡出。倘痘不起脹。則痘雖見點。其毒仍留臟腑。數日之後。
其毒內攻。不可救矣。故出痘三日之內。其時日十分。要緊急于。
此時。觀察形色。審証用藥。猶如拯溺。而不可緩。求。而不可遲。
也。天痘之安全。必要漿膿飽滿。其次亦要膿漿六七分。方保無。
虞。痘瘡既出。形色顯然。其膿之成與不成。漿之足與不足。此時。

皆可逆睹。蓋痘出齊後潮熱已退。雜症又除。稀疎明朗。尖圓紅潤。皮粗而厚。體實而堅者。氣血俱盛。毒氣又清。必能起脹。必能漿。此固可預知也。若或稍生不順。或熱不退。雜症不除。色暗而不明。勢弱而不振。界地不分。顆粒不圓。紫而不鮮。焦而不潤。淡而無血。薄而不堅者。非毒盛之失解。卽氣弱之當扶。此症若無藥救。則必不能起脹。不能灌漿。亦可以先知也。故必于此時力爲調治。猶可救也。失此不治。則不能起脹。又安望其成漿乎。症之生死。決于痘之起伏。痘起則毒從外出。而可化。痘伏則毒留內攻。以爲殃。故起脹方有生機。陷伏必從死例。此萬古不易之論。決無倖全之理。此際可不慎乎。

論出時發瘰

瘰毒有氣而無形。必藉氣以送之。血以載之。毒附于血。達之皮膚。以成瘰瘡。故有形也。方出之時。毒與氣血滾爲一團。乃成點子。及瘰既出。則氣充其上。以升毒。血附其下。以化毒。故頂尖而圓者。其氣上升也。脚有紅暈者。其血下附也。分清氣血之時。瘰多作痒。及氣血各定其位。則氣上升。以化毒。血下附。以養瘰。其瘰自不痒矣。瘰雖已痒。惟初出時痒。乃不惧也。

出齊發熱

凡瘰出齊。必要退熱。朝熱已退。則毒盡出于皮膚矣。若出齊猶熱。是毒猶少留于內也。出齊大熱。是毒其滯於中也。急宜宣毒。

出外毒不留滯則熱自送矣而痘亦自長矣但毒之所以滯者亦有兩端。有毒氣壅盛乃滯留而不出者其痘必紅紫乾焦兼之煩悶宜用調元化毒湯以解之若仍不退則用大成散以攻之服此而痘光潤起水卽熱未盡退亦當更用補劑蓋八九日上候當用補不敢復試清涼也。有元虛不能送毒者痘必淡白雖見點稀疏其熱不退亦是留毒未出不可玩忽視之必宜用千金內托散托出痘毒方可無虞。

痘當出齊宜固肌表安脾胃蓋肌表爲痘瘡運化成功之地肌表不固則有皮薄漿清潰爛難痂之患故八九日上必用炙芪炙草以其補氣而實腠理也脾土不堅則有泄瀉下陷之

不當
利之
藥

論
藥

治
法

虞而痘安能起脹以成漿故凡滑利下瀉之物戒之切莫與服且痘當起水之際又忌利水之劑雖小便不長乃津液上升之故切不可疏利膀胱而通小便益小便大利則痘瘡之水不能起矣是故木通車前薤白澤瀉滑石茯苓一切利水之藥此時禁而不用又恐土能制水凡補脾之藥能燥乾津液其痘必致乾枯故蒼朮白朮淮山束仁苡仁茯苓柯子栗壳霍香砂仁一切乾燥除濕之劑總不宜投况津液盡行痘內多好飲而常口干勿用葛根知母而漸與之止渴蓋此時忌發表宜吐清涼也縱有痰涎止宜用欬冬花粉而南星半夏恐燥烈而漿不行川貝竹瀝又寒涼而慮毒水伏至不得

用藥法

血熱症

用藥法

留宜涼

血不宜

補血

毒盛症

用藥法

鮮毒而

兼發毒

分疏起
服要藥

已而用芩連八九日來須用參芪監制若有熱而水不漲前
胡在所必用頭面之痘不起川芎在所必加血熱而界不分
紫草紅花生地赤芍以及丹皮是活血之聖藥而補血之歸
茸則禁而莫用蓋血既熱而復補必成一片紅也或頃刻轉
為焦紫惟血虛而痘不紅則歸茸必當重用兼以川芎白芍
大元枝以助補血之力而紫草紅花是血虛之忌藥遇此症
切莫輕投若熱盛而毒壅不起則連喬半旁地丁慈姑理必
用之而解毒毒之盛者常用此等以為君略用荆防以達表
更加陳梗以疏通蟬退提毒上行不可多與多則恐致空瘡
山查宜通滯氣或清或補皆當以之為佐其毒乃不滯留川

要詳生
熟之宜

又論此
時是藥

治下
起脹

用透裏攻漿或托或解總宜以之爲使膿毒乃得外宜芍藥
雖皆行血之藥然赤能涼血白能聚暈故血熱用赤六日以
前多取赤芍而生用血散用白七日以後須用白芍而炒之
黃芪雖最補氣然生則補中帶發熟則專秘腠肌甘草雖謂
和平然生則清胃解毒熟則補氣溫中是以二者之藥六日
以前生用七日以後炙施至于升麻乾葛黃活柴胡紫蘇麻
黃防風荆芥只羌活槲寄生表散氣之藥至此皆不敢用卽
不得已而用之此等但雖少與亦要兼參芪以扶正氣而後
乃不傷元他如人中黃雖善解毒用此必合人參始不至於
耗本淫羊藿雖善攻漿然亦不敢多服多則痘必生痒遍身

法

治四肢

起脹之

法

治氣虛

之症用

藥

治泄瀉

法

起而頭面猶伏則重川芎而加升麻。爲引用虫退而以笋
尖作湯若頭面起而四肢不脹則去川芎而除桔梗用桂枝
以達四方若皮薄而軟頭白而平總以氣虛而斷必用人參
黃芪川芎肉桂以補氣藥爲君若或赤色貫頂久而血不下
附頂不放光亦是氣虛不能統血陰盛陽衰之義宜以扶陽
爲主而參芪丁桂總要多施最忌此時泄瀉瀉則中虛內陷
頃刻立變白灰此症最爲險要必須補氣安脾參芪更加柯
薏甚則薏苡九施雖謂起水忌脾強而急則治標爲貴祇木
苓淮山莫用以柯薏爲便宜蓋猛藥方能止泄泄定痘乃升
提氣虛下泄待何醫士炒升麻堪濟提氣上行能止泄又堪

論驚風

論失聲

咽喉痛

噎水噎

食

以下倫

論重證

起痘以高飛此方奇效。少人知。曾經屢驗。休疑。倘或將或點額。其間尚有驚風。真謂痘出此為凶。鎮驚丸。猶堪用七八日上。或朦朧未免。心經熱甚。若用寧心補血定。加變症無功。若夫失聲咽喉痛。此際不必驚慌。定是喉中有痘。痘脹故不聲揚。噎水而兼吐飯。總因內痘攔當。迨至十日以後。此症一槩乎康。最怕痘瘡陷伏。孩兒十個九亡。又畏痘色青黑。十日內返泉鄉。頂焦終不放。毫光有如癰瘡模樣。十日舌上生疔。十二日見閣王紅毯一片。勢難當。又怕面如錫鑲。蚕形蚊跡。惡非常。無藥能醫。此恙湯泡燈燒。真怕灰黑二陷。難醫。若是紫白血陷。此症尚可維持。此時雜症是危機。勿謂尋常容易。腹脹。

條言推
症凶危

喘噓痰湧皆爲毒陷內攻大小二便赤血悉爲臟敗中傷時
時張云欲吐是毒鬱而不祥漿未行而咬牙寒戰此症已云
難治痘不起而失智無魂吾知立見死亡目上視而不轉或
牽衣而弄裳此等已爲鬼錄何須懇禱乎

起脹順症

痘出齊後熱退身涼飲食得進精神清爽體暢心寧上無痧嗽
吐逆之弊下無泄瀉秘結之虞痘稀而明顆粒分明頂尖圓而
日超脹脚不濶而聚紅暈痘頂放光而起瘡底帶漿而升先出
者先起脹痘若出齊至足而面部水汁俱行天庭地角總光照
左右頰腮但潤澤水至八分其脚便有漿膿又或水至卽帶行

漿更爲氣強血盛此等易變易醫尤爲至美之苗其次漸漸升
灌亦爲敢吉之痘吉症何須用藥只要飲食調和起居謹慎自
獲平安切莫妄服藥餌恐庸醫反致誤人又莫冒犯穢氣致外
邪而觸內毒且肥滑不宜與服恐滑利而生泄瀉以犯痘家之
忌生冷不可與食恐冰滯而生腹痛以致終身之疾此保赤之
良言故向天下而致囑

凡遇順症自不藥而愈不必強而治之 余見一兒痘出雖多
而皆起脹余謂安然無事矣二日未嘗往視一庸醫見是兒數
日未嘗大便遂與下藥一服未泄又進一服孰知一泄之餘痘
逐倒陷此輕症變重之故雖出庸醫之誤亦其父母不慎之過

也藥能救人亦能殺人而可冒昧以用乎

起脹陰症

夫痘之起脹雖在六日之後而其調治之藥當施於七日之前蓋痘之所以難起者必是毒盛痘稠也凡解毒之藥多是清涼惟七日以前可用若八九日上候當用補毒若未清則畏首畏尾難施治矣故于六七日間毒之甚者急宜解之斷不可稍遲延也

痘之毒氣出於臟腑氣血拘攝送于皮膚故成瘡形初出乃是血點其後漸漸運化血化為水水化為膿必漿足膿成毒乃化盡然必出於皮膚而毒始能化也故痘必起而水乃行水將行

則痘光潤是以痘宜光而不宜暗宜滑而不宜澀宜起而不宜伏。究痘之起與不起。毒之化與不化。皆氣血盈虛之故。邪正盛衰之由也。必正氣盛而邪氣衰。陰陽調和。血氣通暢。乃能化毒以成漿。

一有痘色紅紫而焦枯者。乃毒氣熾盛。血燥而凝。不能起脹而化也。宜用清毒活血湯主之。

清毒活血湯

前胡 紫葺八分 當歸 生地七分 白芍八分 木通五分 牛子 連翹八分
桔梗 枳殼 炒連四分 山查八分 甘草三分 人參四分 生芪八分 渴加麥
冬花粉

又有痘色淡白，泡不失圓，根無紅暈，而不起脹者，乃元氣虛弱，血寒而縮，不能送毒外出，以行漿也。宜用參歸鹿茸湯，或于

金內托散

參歸鹿茸湯

人參錢貳，芪、當歸各一錢，炙甘草六分，鹿茸三錢。
酒炙

右方大補氣血，祛膿之劑，莫妙如此。用生薑龍眼引。

手足冷，加木香、丁香、肉桂五分。寒戰咬牙，加肉桂、附子。

泄瀉，加白芍、豆蔻、柯子、木香、丁香、肉桂，另用參朮調脾散。

豆蔻丸以止泄。
二方俱見
九散篇

金內托散